

# BULETIN unisel UNIVERSITI SELANGOR



**15** UNISEL JADIKAN MOHD HAikal PELAJAR ANGKAT UNIVERSITI

Shaping Society Mencorak Masyarakat

**4** 25 PELAJAR TERIMA ANUGERAH DEKAN

**5** 14 FILEM PENDEK UNISEL DIDIK MASYARAKAT BINA JATI DIRI CEMERLANG

**6** PGC DAN UDBC LAWAT RUMAH ANAK YATIM

**11** UNISEL IPT PERTAMA TERIMA PENSIJILAN GREEN 5-S PROGRAM

**13** UNISEL MERUPAKAN UNIVERSITI PERTAMA WUJUDKAN TV INTERNET



Dr Halimah bersama Prof Anuar (kiri) semasa pelancaran tiga jurnal UNISEL

## UNISEL LANCAR TIGA JURNAL SEBAGAI USAHA MEMASYARAKATKAN ILMU

Universiti Selangor (UNISEL) melangkah setapak lagi ke hadapan dalam usaha memasyarakatkan ilmu dengan penerbitan tiga jurnal meliputi pelbagai kluster pendidikan.

Bersambung dimuka 3

# SEKAPUR SIREH SEULAS PINANG

**Assalamualaikum wbt. dan Salam Sejahtera**

Syabas diucapkan kepada Pejabat Komunikasi & Korporat dengan terhasilnya buletin suku tahunan ini. Sebagai portfolio yang banyak menyokong dan memperkaya teras penyelidikan, pendidikan dan khidmat universiti, adalah perlu bagi informasi berkaitan keterlibatan industri dan masyarakat yang berlangsung di UNISEL dihebahkan serta dikongsi bersama seluruh warganya.

Scara visualnya kita semua telah diperlihatkan dengan pencapaian-pencapaian UNISEL sepanjang tahun 2013. Ini mungkin buktinya 'branding and positioning' telah mula membuat kerana masyarakat telah mula mengenali UNISEL. Namun, suka saya mengulangi bahawa kesemua itu merupakan satu motivasi agar lebih banyak lagi pencapaian yang membanggakan boleh kita perolehi pada tahun mendatang untuk kita tambah baik agar ianya menjadi lebih cemerlang.

Pada usia yang disifatkan masih muda dan perlu melalui banyak proses kematangan, saya yakin kecemerlangan sebelum ini bukan kebetulan, tetapi disokong oleh sejarah permulaan yang baik dan memberangsangkan. Meneruskan legasi kejayaan yang lalu, telah membuktikan pengiktirafan yang diterima menerusi kecemerlangan institusi, kehebatan bakat oleh figura dan ikon serta meraih pencapaian membanggakan di lapangan penyelidikan, penulisan dan penerbitan merupakan satu kebanggaan bersama.

Saya yakin bagi mencapai cita-cita yang tinggi dan murni ini, "to be a renowned university" kita perlu melakukan transformasi. Dan transformasi bukanlah suatu yang mudah, ianya memerlukan pengorbanan, bayangkan sebiji telur rama-rama yang dormant tidak boleh bergerak, hanya melekat disebatang dahan kayu, setelah mengalami semua keadaan yang cukup, daripada segi masa, suhu dan kelembapannya ia akan menetas menjadi seekor ulat, begitu juga ulat setelah mengalami suasana yang mencabar, memerlukan makanan yang cukup, atau dimakan oleh burung-burung yang kelaparan, akhirnya, keluar sayap yang sangat indah dan boleh terbang bebas.

Saya berharap Buletin ini sedikit sebanyak dapat dijadikan wadah kepada warga universiti untuk berkongsi idea, ilmu, pengalaman, dan kepakaran dan seterusnya memantapkan amalan penghayatan budaya ilmu, khususnya dalam aspek penyelidikan dan amalan bermusyawarah. Perkara ini penting ke arah peningkatan profesionalisme bersama, semoga ini akan dapat membantu kita mencapai objektif peningkatan kualiti pendidikan di Selangor khasnya serta di Malaysia umumnya.

**Prof Dr Anuar Ahmad**

Presiden dan Naib Canselor



## MUKA SURAT KANDUNGAN

- |    |  |
|----|--|
| 3  | UNISEL lancar tiga jurnal sebagai usaha memasyarakatkan ilmu                     |
| 4  | 25 pelajar terima anugerah dekan   |
| 4  | Abdul Khalid tangga teratas tahap kepimpinan baik                                |
| 5  | 14 filem pendek UNISEL didik masyarakat bina jati diri cemerlang                 |
| 6  | 26 pelajar UNISEL lanjutkan pengajian perubatan di unhas, Indonesia              |
| 6  | PGC dan UDBC lawat rumah anak yatim  |
| 7  | Beri peluang pelajar ketengahkan kreativiti dan bakat                            |
| 7  | Bersihkan terumbu karang pelihara alam semulajadi                                |
| 8  | Belajar UNISEL kumpul dana bantu umat islam Kembanga                             |
| 8  | Pelajar baru pengambilan mei 2014 lafaz ikrar                                    |
| 9  | Mohd Azreen semakin pulih namun masih dirawat                                    |
| 9  | Muhamad Faiz harumkan UNISEL, menang naib johan pertandingan fotografi           |
| 10 | Program pertukaran pelajar UNISEL-Universitas Narotama tingkat hubungan dua hala |
| 10 | Tingkatkan kepimpinan untuk laksanakan perubahan UNISEL                          |
| 11 | UNISEL IPT pertama terima pensijilan Green 5-S program                           |
| 12 | Ismail disambung pelantikan sebagai Pro Canselor sehingga 2017                   |
| 12 | UNISEL jadikan Sekolah Kebangsaan Batu 14, Tapah, Perak sebagai sekolah angkat   |
| 13 | Pelajar Indonesia mahu terapkan slogan UNISEL dalam kehidupan                    |
| 13 | UNISEL merupakan universiti pertama wujudkan tv internet                         |
| 14 | Pelajar UNISEL bersihkan Zoo Negara  |
| 15 | UNISEL jadikan Mohd Haikal pelajar angkat universiti                             |
| 15 | Kemasukan Mei 2014 mendapat sambutan luar biasa                                  |

## SIDANG EDITORIAL

Buletin Unisel mengalui-alukan sebarang penulisan rencana, cadangan atau komentar yang membina. Sebarang pertanyaan hendaklah dialamatkan kepada:

**Pejabat Komunikasi Korporat**

Tingkat 5, Bangunan Satelit  
Jalan Zirkon A7/A, Seksyen 7  
40000 Shah Alam  
SELANGOR  
Tel : +603-55223420  
Email : [corporate@unisel.edu.my](mailto:corporate@unisel.edu.my)  
Website : [www.unisel.edu.my](http://www.unisel.edu.my)

Penaung	: Prof Dr Anuar Ahmad Presiden dan Naib Canselor
Penasihat	: Ahmad Zabri Mohd Yaman Ketua Pegawai Kewangan
Ketua Editor	: Hasril Abu Hassan Ketua Komunikasi Korporat
Editor	: Ahmad Norman Abu Talib Penolong Pengurus Komunikasi Korporat

Penasihat Kreatif :	Sayuti Chik Tajudin Dekan Fakulti Seni Lukis & Seni Reka
Wartawan	: Pejabat Komunikasi Korporat, Fakulti serta Jabatan
Fotografi	: Pejabat Komunikasi Korporat & Pusat Teknologi Maklumat
Pembantu Editorial:	: Aiman Mudzafar Mohamad Khairi : Noor Farahdia Fuad Goh : Nor Hasnida Mohd Hosni : Saimah Mokhtar

# UNISEL LANCAR TIGA JURNAL SEBAGAI USAHA MEMASYARAKATKAN ILMU



*Dr Halimah semasa merasmikan Pusat Fisioterapi dan Makmal Klinikal Diagnostik pada pelancaran tiga jurnal UNISEL*

Exco Pendidikan, Pendidikan Tinggi dan Pembangunan Modal Insan, Dr Halimah Ali berkata, penerbitan jurnal dapat memberi ruang kepada warga institut pengajian tinggi berkongsi hasil penyelidikan.

Dr Halimah yang juga Lembaga Pengarah UNISEL berkata, pihak universiti juga wajar memasarkan serta mengedarkan jurnal yang diterbitkan ke peringkat antarabangsa bagi mendapat pengiktirafan.

"Kerajaan negeri menyokong usaha sebegini melalui penyaluran dana dan geran pendidikan bagi menghasilkan penerbitan akademik.

"Hasil penyelidikan perlu dikongsi dan disebarluaskan untuk pembangunan ilmu dan negara," katanya membacakan teks ucapan Menteri Besar, Tan Sri Abdul Khalid Ibrahim pada 22 April lalu.

Dr Halimah hadir mewakili Tan Sri Abdul Khalid bagi menyempurnakan Majlis Pelancaran Jurnal di Dewan Pro Canselor.

Universiti ini menerbitkan tiga jurnal iaitu

Jurnal Sciences and Technology, Jurnal Contemporary Business Management dan Jurnal Social Science and Humanities yang boleh didapati secara bercetak mahupun atas talian.

Terdahulu, Dr Halimah turut merasmikan Pusat Fisioterapi dan Makmal Klinikal Diagnostik UNISEL yang turut dihadiri Exco Kesihatan, Pembangunan Usahawan, Sains, Teknologi dan Inovasi, Dr Daroyah Alwi dan Naib Canselor UNISEL, Prof Dr Anuar Ahmad.

Dengan perasmian pusat berkenaan, UNISEL kini mampu bersaing dalam industri kospus sains kesihatan yang kini semakin mendapat permintaan yang tinggi.

"Diharap usaha universiti ini dapat menyahut cabaran bagi melahirkan graduan yang berdaya saing, memenuhi pasaran dan insan kamil.

"Moga perkhidmatan disediakan dapat memberi manfaat kepada warga universiti selain memberi impak sekitar Lembah Klang," katanya.



*Dr Halimah bersama Prof Anuar melawat Pusat Fisioterapi dan Makmal Klinikal Diagnostik*

# 25 PELAJAR TERIMA ANUGERAH DEKAN

SERAMAI 25 orang pelajar Universiti Selangor (UNISEL) daripada program Ijazah Sarjana Muda Sains Makmal Perubatan (Kepujian), Diploma Teknologi Makmal Perubatan, Diploma Fisioterapi, Diploma Kesihatan Persekutaran dan Diploma Pengimejan Perubatan menerima sijil anugerah Dekan.

Pengiktirafan anugerah dekan ini adalah berdasarkan minima 12 jumlah jam kredit yang didaftarkan serta lulus peperiksaan pada semester tertentu dengan keputusan Purata Nilai Gred (PNG/GPA) adalah 3.50 dan ke atas sepetimana yang ditetapkan oleh Unisel.

Dekan Fakulti Bioperubatan dan Sains Kesihatan, Prof Dr Mohd Nazil Salleh berkata, beliau berharap semua pelajar dapat bekerja keras bukan sahaja bagi mencapai kejayaan dalam akademik malah juga sahsiah diri dan akhlak yang baik.

"Semoga kejayaan mereka ini semua menyuntik semangat baru kepada pelajar-pelajar lain untuk sama-sama mengejar kejayaan sekaligus mengharumkan nama fakulti," katanya semasa berucap di Fakulti Bioperubatan dan Sains Kesihatan (FBSK), di Dewan Pro Canselor di sini pada 7 Februari lalu.

Majlis tersebut diadakan sebagai penghargaan pengurusan fakulti kepada mereka yang menunjukkan prestasi cemerlang di dalam peperiksaan akhir pada setiap semester.

Majlis turut dihadiri Timbalan Dekan Fakulti Bioperubatan & Sains Kesihatan, Mohd Sharikh Dali Mahad, Ketua Pegawai Kewangan



20 daripada 25 pelajar yang menerima anugerah Dekan hasil pencapaian membanggakan

Unisel, Ahmad Zabri Mohd Yaman dan Ketua Komunikasi Korporat, Hasril Abu Hassan.

Dianggarkan seramai 400 orang jemputan hadir termasuk ibubapa pelajar.

Dalam pada itu, beliau juga turut melancarkan 'Hari Pemakaian Baju Korporat' program pada setiap Rabu bertujuan memperkenalkan dan seterusnya mengalakkannya siswa dan siswi FBSK untuk menunjukkan etika pemakaian yang professional memandangkan para pelajar diwajibkan untuk memakai uniform ketika menjalani latihan praktikal.

Dalam majlis yang sama juga, turut berlangsung acara penyerahan 'surface' kepada pelajar HS403- Ijazah Sarjana Muda Sains Makmal Perubatan (Kepujian) – secara separuh masa (Kementerian Kesihatan)

Program ini merupakan projek perintis di universiti dalam menggunakan kaedah

e-learning sebagai medium pengajaran dan pembelajaran dengan pecahan 40 peratus (online) dan 60 peratus (kehadiran kuliah) memandangkan program ini adalah mod separuh masa.

Kuliah dijalankan pada Jumaat, Sabtu dan Ahad dengan enam kali perjumpaan bagi satu semester selama 14 minggu.

Unisel melancarkan program e-learning yang dinamakan Moodle eLearning <http://dev.ulms.unisel.edu.my>.

Penyerahan surface tersebut bertujuan agar proses pertemuan bagi sesi kuliah dapat digunakan sepenuhnya.

Penilaian pelajar contohnya kuiz dapat dilakukan secara atas talian

Moodle eLearning juga memberikan kemudahan lain seperti nota-nota, pelan pengajian, forum dan lain-lain lagi.

## ABDUL KHALID TANGGA TERATAS TAHAP KEPIMPINAN BAIK

KAJIAN Universiti Selangor (UNISEL) mendapati Menteri Besar, Tan Sri Abdul Khalid Ibrahim mempunyai kepimpinan yang baik dengan 69.3 peratus responden bersetuju dengan kenyataan itu.

Ketua Penyelidik Kajian Soal Selidik Pola Pengundian dan Isu Semasa, Dr Muhammad Shamsinor Abdul Azzis berkata, 24.3 peratus responden berpendapat kepimpinan Abdul Khalid adalah sederhana, manakala hanya 6.5 peratus responden menganggap beliau lemah.

Malah 72.6 peratus responden yang disoal selidik menyatakan keyakinan terhadap integriti dan akauntabiliti beliau menerajui Selangor.

Muhammad Shamsinor berkata, kajian tersebut juga mendapati 66.2 peratus responden bersetuju bahawa Ketua Umum Parti Keadilan Rakyat (PKR), Datuk Seri Anwar Ibrahim mempunyai kepimpinan baik dengan 25.8 peratus menyatakan sederhana, manakala hanya 8.1 peratus menyatakan kepimpinannya lemah.

Beliau berkata, 62.4 peratus responden menyatakan Presiden PKR, Datuk Seri Dr Wan Azizah Wan Ismail mempunyai kepimpinan baik dengan 28.7 menyatakan sederhana, manakala hanya 8.9 peratus lemah.

Menurutnya, kajian itu juga menunjukkan 41.6 peratus responden menyatakan Perdana Menteri, Datuk Seri Najib Tun Razak mempunyai kepimpinan yang baik diikuti dengan 29.5 peratus berpendapat sederhana dan 28.9 peratus adalah lemah.

"Kajian itu menunjukkan bahawa Abdul Khalid berada tangga teratas peratusan tertinggi yang menyatakan beliau mempunyai kepimpinan yang baik dan ditangga kedua adalah Anwar.

"Terakhir adalah calon BN di PRK Kajang, Datin Paduka Chew Mei Fun yang memperoleh 34.1 peratus dalam sepuluh pemimpin yang dikemukakan untuk kajian soal selidik," katanya pada 19 Mac lalu.

Kajian itu membabitkan 60.3 peratus



Dr Muhammad Shamsinor (kiri) semasa mengumumkan hasil kajian tersebut

responden yang tinggal di Dun Kajang dan 39.9 peratus berada di luar kawasan tersebut.

Kajian tersebut dijalankan antara 12 hingga 16 Mac lalu melibatkan 394 responden pelbagai latar belakang.

Muhammad Shamsinor berkata, pemimpin lain yang ditanyakan dalam kajian soal selidik itu adalah Timbalan Presiden PKR, Azmin Ali; Pengarah Strategi PKR; Rafizi Ramli; Timbalan Perdana Menteri, Tan Sri Muhyiddin Yassin; Ketua Pemuda Umno, Khairy Jamaluddin dan Exco Selangor yang juga merupakan Pesuruhjaya Pas Selangor, Iskandar Abdul Samad.

# 14 FILEM PENDEK UNISEL DIDIK MASYARAKAT BINA JATI DIRI CEMERLANG



*Dr Halimah berucap dalam majlis tersebut*

SEBAGAI menyahut saranan kerajaan negeri bagi membentuk masyarakat mempunyai modal insan cemerlang, Universiti Selangor (UNISEL) menghasilkan 14 karya filem pendek untuk dipertandingkan di bawah tema ‘*Spiritual, Physical, Intellectual, Emotion and Social*’ (S.P.I.E.S) bagi

Kesemua karya tersebut diterbitkan oleh pelajar sempena Fakulti Art and Design Exhibition (FAD.EX) anjuran universiti tersebut pada 21 April lalu.

Exco Pendidikan, Pendidikan Tinggi dan Pembangunan Modal Insan Selangor, Dr Halimah Ali berkata, filem pendek itu diharapkan dapat memberikan mesej jelas betapa pentingnya program SPIES di dalam masyarakat.



*Antara yang hadir semasa majlis 14 karya pendek UNISEL*

Beliau juga berpendapat setiap pelajar perlu ada lonjakan emosi positif dalam diri masing-masing supaya menjadi lebih bersemangat dalam menghadapi dugaan kehidupan.

“Apabila mereka mempunyai lima elemen penting ini dalam kehidupan sehari-hari, sudah pasti mereka mampu menjadi modal insan yang berjaya dan diibaratkan campak di laut jadi pulau, campak di darat jadi gunung.

“Modal insan dilahirkan dalam diri pelajar ini lebih mahal harganya berbanding sumber, inilah sumber utama di Selangor,” katanya.

Dalam pertandingan tersebut, filem ‘IQRAM’ dinobatkan sebagai johan di mana ia mengetengahkan aspek dan nilai spiritual islamik.

Pengarah filem, Faiz Zauki berkata, filem

itu memaparkan realiti sebenar kehidupan masyarakat yang kadang kala tersesat daripada jalan benar kerana dihimpit tekanan hidup dan kewangan.

“Filem ini diharap dapat memberi mesej jelas kepada masyarakat supaya menjadikan nilai spiritual sebagai pemangkin kepada kehidupan,” katanya yang turut merakamkan ucapan terima kepada UNISEL kerana memberi peluang kepada mereka untuk menghasilkan filem tersebut.

Hadir sama dalam majlis ini adalah Naib Canselor Unisel, Prof Dr Anuar Ahmad dan Dekan Fakulti Kesenian and Senibina UNISEL, Encik Sayuti Chik Tajuddin.



*Encik Sayuti, Dr Halimah dan Prof Anuar dalam majlis tersebut*

< Dr Halimah berharap 14 filem pendek merangkumi elemen S.P.I.E.S dapat mewujudkan masyarakat yang lebih positif

# 26 PELAJAR UNISEL LANJUTKAN PENGAJIAN PERUBATAN DI UNHAS, INDONESIA

Universiti Selangor (UNISEL) menghantar seramai 26 pelajar untuk melanjutkan pelajaran di jurusan Ijazah Sarjana Muda Perubatan di Universitas Hasanuddin (UNHAS), Makassar, Indonesia.

Keputusan tersebut dibuat selepas memeterai memorandum persefahaman (MoU) pada 29 April lalu.

UNHAS dipilih berdasarkan reputasi hebatnya selain ia diiktiraf oleh kerajaan.

Malah sebelum ini 400 pelajar Malaysia yang ditaja biasiswa oleh Majlis Amanah Rakyat (MARA) dan Jabatan Perkhidmatan Awam dihantar menyambung pelajaran di universiti berkenaan.

Pengarah Institut Kajian Malaysia Indonesia (UNISEL), Prof Dr Zaidi Hajazi berkata, ia bukan kali pertama kerjasama antara kedua-duanya dijalankan.

Prof Zaidi berkata, kerjasama tersebut sudah dijalin sejak 2007 melibatkan kegiatan akademik, pertukaran pelajar serta pensyarah.

"Bagaimanapun, ini merupakan kali pertama kita menghantar pelajar untuk mengikuti bidang perubatan.

"Mereka akan memulakan pengajian pada Ogos depan selama lima tahun," katanya.

MoU tersebut ditandatangani Naib Canselor UNISEL, Prof Dr Anuar Ahmad bersama Rektor UNHAS, Prof Dr Dwia Aries Tina disaksikan

oleh Exco Pendidikan, Pendidikan Tinggi dan Pembangunan Modal Insan, Dr Halimah Ali dalam lawatan dijalankan selama tiga hari bermula 28 April lalu.

Turut menyertai lawatan itu adalah Dekan Fakulti Pendidikan dan Sains Sosial, Prof Dr Mujaini Tarimin.

Prof Zaidi berkata, pemilihan dibuat berdasarkan kemudahan pengajian yang lengkap di sana kerana UNHAS mempunyai sekolah perubatan yang canggih.

Malah, kedudukan geografinya yang bebas daripada sebarang bencana alam turut menjadi faktor mengapa UNHAS dipilih.



Prof Anuar bersama dengan Prof Dwia Aries selepas menandatangani MoU bagi kedua-dua universiti.



Dr Halimah (kanan) bersama Prof Anuar semasa mengadakan lawatan di Unhas, Makassar, Indonesia

## PGC DAN UDBC LAWAT RUMAH ANAK YATIM

PEERS Guidance Club (PGC) dengan kerjasama Universiti Selangor (UNISEL) Diploma Business Club (UDBC) mengadakan Program Lawatan ke Rumah Anak – Anak Yatim dan Kebajikan Aman, Sg.Buloh , Selangor pada 17 November 2013 lalu.

Program disertai seramai 27 orang pelajar yang terdiri daripada kedua – dua kelab tersebut serta wakil dari pegawai Hal Ehwal pelajar iaitu kaunselor, Puan Nurul Khaizan Zakaria merangkap penasihat Kelab PGC.

Antara objektif utama program ini adalah untuk mengeratkan hubungan antara pelajar universiti dengan anak – anak yatim dan bertujuan menimbulkan kesedaran serta memupuk rasa insaf di kalangan pelajar untuk membantu golongan yang kurang bernasib baik.

Tujuan utama kaunseling ini adalah untuk memberi pendedahan kepada pelajar agar mereka lebih berkembang dari aspek pembelajaran dengan menjadikan para pelajar

UNISEL sebagai contoh tauladan agar anak – anak yatim ini lebih bermotivasi untuk belajar sehingga ke menara gading.

Selain itu, sumbangan berbentuk beras dan barang keperluan makanan kepada anak – anak yatim turut disampaikan.

Apa yang membanggakan program pertama kali diadakan UNISEL ke rumah anak-anak yatim ini menggunakan dana sendiri.

Para pelajar UNISEL berharap program dan usaha murni ini berterusan kerana memberi impak yang besar terhadap mereka. Walaupun program ini singkat tetapi respon anak – anak yatim sangat baik kerana mereka rasa seronok kerana ada abang – abang dan kakak – kakak yang memberi tunjuk ajar dan motivasi kepada mereka.



Para pelajar merakamkan gambar kenangan bersama dengan anak-anak yatim

# BERI PELUANG PELAJAR KETENGAHKAN KREATIVITI DAN BAKAT

BAGI memberi peluang untuk para pelajar meningkatkan kreativiti serta bakat sedia ada, Universiti Selangor (UNISEL) kini mempunyai agensi pengiklanan dan perhubungan awam, Image East.

Agensi tersebut dikendalikan oleh pelajar itu merupakan perintis kepada pusat pengajian tinggi lain dalam meningkatkan kemahiran pelajarnya.

Dekan Fakulti Komunikasi dan Media UNISEL, Prof Azmuddin Ibrahim berkata, agensi yang mula beroperasi pada September 2012 itu sudah berjaya mendapatkan hasil pengiklanan mencecah hampir RM1 juta.

"Saya percaya inisiatif ini adalah kali pertama wujud di kalangan universiti dan pusat pengajian tempatan di negara ini.

"Antara lain, kita mencipta sendiri iklan produk UNISEL yang dipaparkan di lebuh raya, Terminal Penerbangan Tambang Murah (LCCT), Sepang dan sebagainya," katanya pada 21 Mac lalu.

Terdahulu, beliau menghadiri temubual khas

dalam rancangan Salam Selangorku dengan tajuk 'Kenali Fakulti Komunikasi dan Media UNISEL'.

Mengulas lanjut perkembangan Image East, beliau berkata, mereka kini dalam usaha mendapatkan pelanggan luar daripada universiti itu.

"Setakat ini, kita memang kendalikan pelanggan daripada UNISEL sahaja tetapi dengan bakat dan pengalaman pelajar, kita yakin untuk melangkah dengan menarik pelanggan luar pula. Ini satu pencapaian yang begitu membanggakan," katanya.

Selain pengiklanan, Image East turut menyediakan perkhidmatan lain seperti rekaan grafik, pengurusan acara, kajian dan penerbitan, videografi, fotografi dan multimedia.

Sesiapa yang berminat mendapatkan khidmat Image East boleh datang terus ke fakulti tersebut di Aras 2, Jalan Zirkon A7/A, Seksyen 7 Shah Alam atau boleh menghubungi talian di 03 5522 3532.



PROF AZMUDDIN IBRAHIM

## BERSIHKAN TERUMBU KARANG PELIHARA ALAM SEMULAJADI

BERTUJUAN mendidik masyarakat mencintai alam semulajadi, mahasiswa jurusan Psikologi Industri Universiti Selangor (UNISEL) mengambil inisiatif menganjurkan program Pembersihan Terumbu Karang pada 3 hingga 6 Mac lalu di Pulau Redang.

Program ini adalah sebahagian daripada usaha dan tanggungjawab korporat sosial (CSR) UNISEL untuk memupuk mahasiswanya menjalankan aktiviti berbentuk pemuliharaan alam sekitar.

Seramai 10 orang mahasiswa yang dibantu oleh 3 orang Jurulatih daripada Pusat Kokurikulum Jabatan Pendidikan Negeri Terengganu mengambil bahagian dalam program berkenaan.

Pengarah program, Muhammad Hazim Azri Mohd Safee berkata, program tersebut adalah program pertama yang dijalankan oleh pelajar Psikologi Industri.

Muhammad Hazim Azri berkata, aktiviti ini merupakan sebahagian daripada usaha universiti untuk memberi kesedaran kepada masyarakat terhadap kepentingan menjaga khazanah hidupan laut yang semakin terpusus jika tidak dipelihara.

Menurutnya, sikap sesetengah masyarakat yang gemar membuang sampah ke dalam laut sebenarnya boleh mengancam habitat laut selain mencemarkan keindahan dasar laut.

Katanya, masih ramai yang tidak menyedari perkara itu dan tidak mustahil pada satu

hari nanti laut akan menjadi tempat untuk melupuskan sampah dan pelbagai sisa lain.

"Pembersihan ini harus dilakukan secara berhati-hati kerana ia boleh merosakkan terumbu karang. Aktiviti pembersihan terumbu karang itu diakui memenatkan para penyelam, tidak seperti aktiviti selam santai.

"Sikap manusia yang membuang sampah ke dalam laut selain gemar menyentuh terumbu karang ketika melakukan aktiviti menyelam turut menjelaskan hidupan tersebut. Tindakan menyentuh terumbu karang akan merosakkan sejenis organisme karnivor yang disebut polip. Polip berfungsi dengan membantu pembesaran terumbu karang," kata Muhammad Hazim.



Muhammad Hazim Azri Mohd Safee



Mahasiswa selesai membersihkan terumbu karang



Pelajar-pelajar UNISEL membersihkan terumbu karang bagi memastikan alam sekitar terpelihara

# PELAJAR UNISEL KUMPUL DANA BANTU UMAT ISLAM KEMBOJA

PRIHATIN dengan nasib masyarakat Islam di Kemboja yang dihimpit kemiskinan, pelajar Ijazah Jurusan Komunikasi Media Universiti Selangor (UNISEL) mengadakan jualan amal The Rise of Youth 2014 (TROY) bagi mengumpul dana untuk disalurkan kepada mereka.

Salah seorang pengajur jualan amal Mohd Nor Farhan Othman berkata, melalui program jualan ini diharapkan ia sedikit sebanyak dapat meringankan beban yang ditanggung umat Islam di sana.

"Sambutan diberikan pengunjung program ini menggalakkan dan sebahagian daripada

hasil jualan di bazar jualan ini bakal disalurkan kepada mereka di Kemboja.

"Kami akan teruskan lagi aktiviti ini di masa akan datang memandangkan sambutan yang diberikan amat menggalakkan," katanya.

TROY yang diadakan di Extreme Park Seksyen 13, di sini berlangsung meriah dengan kehadiran kira-kira 500 pengunjung.

Mereka melibatkan diri dalam aktiviti seperti futsal, papan luncur dan beberapa acara sukan yang lain serta membeli-belah sambil berama.

Pengunjung turut dihiburkan dengan persembahan muzik secara langsung oleh anak muda tempatan dan juga pameran kereta.



Dihiburkan dengan persembahan muzik



Antara aktiviti sukan lasak untuk remaja dalam usaha Unisel mengumpul dana membantu umat Islam di Kemboja



Pengunjung turut menyertai pertandingan futsal

# PELAJAR BARU PENGAMBILAN MEI 2014 LAFAZ IKRAR

KESEMUA pelajar baru Universiti Selangor (UNISEL) bagi pengambilan Mei di kedua-dua kampus melafazkan ikrar pelajar sebelum memulakan pengajian masing-masing bermula Isnin depan.

Bacaan ikrar di lafazkannya dengan penuh bersemangat sambil diikuti oleh para pelajar lain. Majlis Pengenalan Pengurusan Kanan dan Ikrar Pelajar Baru itu disempurnakan oleh Naib Canselor UNISEL, Prof Dr Anuar Ahmad.

Majlis berkenaan diadakan sempena program orientasi kepada para pelajar baru yang bermula sejak 24 Mei dan berakhir pada 28 Mei lalu.

Sepanjang program tersebut, para pelajar diberi taklimat sebagai persediaan sebelum memulakan pengajian bagi kursus masing-masing.

Malah program berkenaan juga bertujuan untuk membolehkan para pelajar berkenalan antara satu sama lain.

Prof Anuar mengingatkan kesemua pelajar supaya belajar bersungguh-sungguh sepanjang

menuntut di UNISEL.

Menurutnya, para pelajar perlu mengambil peluang keemasan tersebut demi memastikan dapat mencapai cita-cita dengan menamatkan pengajian dengan cemerlang.

"Jangan hampakan harapan ibu bapa dan juga tenaga pengajar maka perlu belajar bersungguh-sungguh," katanya.

Kesemua pelajar tersebut mendaftar pada 24 Mei lalu bagi kursus-kursus yang ditawarkan di lapan fakulti yang terdapat di Shah Alam serta Bestari Jaya.



Pelajar UNISEL bersemangat melafazkan ikrar pelajar



Prof Anuar menyarungkan jaket UNISEL kepada seorang pelajar baru sebagai simbolik ikrar pelajar

# MOHD AZREEN SEMAKIN PULIH NAMUN MASIH DIRAWAT



Encik Mohd Khairi menyampaikan sumbangan kepada Puan Norhazlina

UNIVERSITI Selangor (UNISEL) menyampaikan sumbangan ikhlas berjumlah RM8150 kepada Encik Mohd Azreen Herman yang merupakan kakitangan di Komunikasi Korporat.

Sumbangan berjumlah disampaikan oleh Pengurus Besar Pejabat Pentadbiran dan Sumber Manusia, Encik Mohd Khairi Hashim kepada isterinya, Puan Norhazlina Hamzah. Turut hadir Ketua Komunikasi Korporat, Encik Hasril Abu Hassan serta Pegawai Tugas-Tugas Khas Naib Canselor serta Encik Firdaus Fathur Rahman.

Mohd Azreen kini masih dirawat di KPJ Specialist selepas dimasukkan hospital berkenaan sejak 11 Februari lalu sehingga ke hari ini.

Bagaimanapun, buat masa ini keadaannya dilihat semakin beransur pulih. Pihak UNISEL menyeru seluruh warga universiti untuk sentiasa mendoakan Mohd Azreen agar cepat sembuh.

# MUHD FAIZ HARUMKAN UNISEL, MENANG NAIB JOHAN PERTANDINGAN FOTOGRAFI

**400 penyertaan pelbagai kategori. Karya fotografi Muhd Faiz diiktiraf tempat kedua pertandingan**

MUHD Faiz Fauzi, pelajar semester akhir Diploma Teknologi Fotografi, Universiti Selangor, (UNISEL) muncul naib johan pertandingan fotografi ‘Apresiasi Ekohidrologi Tasik dan Wetland Putrajaya’ sempena sambutan Hari Wilayah Persekutuan dan Hari Wetland Sedunia.

Pertandingan anjuran Perbadanan Putrajaya yang bermula pada 1 hingga 2 Mac itu dibagiakan kepada empat kategori iaitu pelajar sekolah rendah, pelajar sekolah menengah, pelajar institusi pengajian tinggi serta terbuka.

Muhsin Faiz berkata, dia benar-benar terkejut dan tidak menyangka apabila diumumkan sebagai pemenang naib johan bagi kategori pelajar institusi pengajian tinggi.

Menurutnya, dia yang merasakan dirinya masih mentah dalam dunia fotografi menyifatkan peserta lain hebat belaka.

“Ucapan terima kasih buat semua tenaga pengajar di UNISEL kerana memberikan tunjuk ajar berguna sebelum ini, segala elemen fotografi seperti komposisi, warna serta kepelbagaiannya penggunaan lens banyak membantu saya kali ini. Saya ucapkan terima kasih kepada keluarga, pensyarah serta rakan-rakan yang mendoakan kejayaan saya ini.” Katanya selepas Majlis Pengumuman Pemenang dan Penyerahan Hadiah pada 2 Mac lalu di Persisiran Tasik, Dataran Putra, Putrajaya.

Terdapat lebih daripada 400 penyertaan bagi keseluruhan kategori yang dipertandingkan.

Muhsin Faiz jelas tidak dapat menggambarkan perasaan gembiranya dipilih antara terbaik daripada kalangan terbaik untuk bergelar salah seorang pemenang.

Sambil melihat hasil fotografinya itu, Muhsin Faiz berkongsi mengenai cabarannya dalam pertandingan ini serta hobi beliau sebelum ini.

“Saya suka mendekatkan diri saya kepada persekitaran alam semula jadi, kesemua elemen ini boleh membuatkan jiwa saya tenang,

“Saya ingin merakamkan keindahan tersebut melalui lensa kamera saya dan berkongsi dengan rakan-rakan serta orang ramai,” katanya.

Kejayaan Muhsin Faiz diharapkan menjadikan penanda aras dan pembakar semangat untuk pelajar-pelajar lain.



Muhsin Faiz menang naib johan pertandingan fotografi



Foto Muhsin Faiz yang berjaya bergelar naib johan

# PROGRAM PERTUKARAN PELAJAR UNISEL-UNIVERSITAS NAROTAMA TINGKAT HUBUNGAN DUA HALA

KEHADIRAN 12 pelajar dari Universitas Narotama, Surabaya, Indonesia ke Universiti Selangor (UNISEL) dilihat mampu memperkuatkan lagi hubungan dua hala dan kerjasama dua institusi pengajian tinggi berprestij itu.

Pelajar pengajian Fakulti Ekonomi dan Komunikasi Media dari universiti berusia 32 tahun Indonesia itu hadir menerusi program pertukaran pelajar UNISEL-Universitas Narotama yang diadakan selama sebulan di Kampus Utama UNISEL.

Naib Canselor UNISEL, Prof Dr Anuar Ahmad berkata, pelajar yang terpilih diharap dapat memanfaatkan pengalaman dan ilmu yang diperolehi sepanjang berada di UNISEL.

"Pelajar di sini terdiri dari Melayu, Cina dan India masing-masing mempunyai budaya tersendiri yang boleh pelajar terokai untuk mengenali lebih dekat tentang budaya di sini.

"Saya percaya anda akan mendapat ilmu yang boleh dimanfaatkan apabila pulang ke Indonesia nanti," katanya ketika mengalu-alukan ketibaan 29 anggota delegasi yang diketuai Rektor Universitas Narotama, Izwachyu Dhaniarti pada 18 November lalu.

Selain Universitas Narotama, UNISEL turut menjalin hubungan dengan hampir 100 institusi pengajian tinggi di seluruh Indonesia.

Sementara itu dalam ucapan balas, Izwachyu turut mengalu-alukan kedatangan pelajar-pelajar UNISEL ke Universitas Narotama.



12 pelajar Universitas Narotama, Surabaya, Indonesia yang terlibat dalam program pertukaran pelajar dengan UNISEL

Izwachyu berkata, program tersebut memberi peluang kepada para pelajar mengenali pelbagai budaya antarabangsa yang dibawa pelajar-pelajar antarabangsa.

"Melalui program ini kerjasama terjalin antara Universitas Narotama dan UNISEL semakin erat," katanya.

Di UNISEL, selain pelajar tempatan, terdapat pelajar antarabangsa dari lebih 40 buah negara dari Timur Tengah, Afrika dan lain-lain.

Universitas Narotama merupakan universiti terkemuka Indonesia memperolehi pelbagai

pencapaian utama dalam dunia keilmuan di Indonesia.

Antara pencapaian Universitas Narotama termasuklah dianugerahkan sijil ISO 9000:2000 (Surveillance Audit II) dari TUV NORD pada 2004, 'Good Practises Campus' dalam penerapan Sistem Pengurusan Perguruan Tinggi (SMPT) dari DIKTI pada 2009, Penghargaan Tata Kelolah dan Kelembagaan dari Kopertis VI Peringkat ke-2 Eco Campus dan BLH Pemkot Surabaya masing-masing pada 2011.

## TINGKATKAN KEPIMPINAN UNTUK LAKSANAKAN PERUBAHAN UNISEL

NAIB Canselor Universiti Selangor (UNISEL), Prof Dr Anuar Ahmad menekankan supaya kakitangan universiti untuk mempunyai kepimpinan yang baik bagi melakukan serta menguruskan perubahan di dalam organisasi.

Prof Anuar berkata, kepimpinan yang baik di semua peringkat adalah sangat penting dalam memastikan hasrat tersebut dapat dicapai.

Menurutnya, kesemua organisasi yang berjaya mempunyai pemimpin yang baik di semua peringkat.

Katanya, seseorang individu itu perlu mempunyai idea, nilai-nilai, tenaga yang tinggi dan kekuatan mental untuk menjadi pemimpin baik dalam memastikan apa yang dilakukan dapat mencapai matlamat.

"Sesuatu organisasi itu berjaya dan berkembang maju kerana ia dilengkapi oleh

pemimpin-pemimpin bukan sahaja di peringkat atasan tetapi melibatkan segenap lapisan. Kepimpinan semua peringkat adalah satu aspek yang sangat penting tetapi paling kurang difahami.

"Kepimpinan adalah satu proses di mana seseorang individu itu menggunakan pengaruhnya bagi memberi inspirasi, motivasi dan mengarahkan segala aktiviti untuk memastikan objektif tercapai," katanya pada 19 Mei lalu di Kampus Bestari Jaya.

Perhimpunan tersebut turut dihadiri oleh Timbalan Naib Canselor Akademik, Prof Dr Khalifah Din, Pendaftar, Encik Muhamad Sulaiman dan Ketua Pegawai Kewangan, Encik Ahmad Zabri Yaman.

ia turut disertai oleh dekan, ketua pusat, timbalan dekan, pensyarah, timbalan pendaftar

dan penolong pendaftar.

Malah perhimpunan bagi kali kedua ini turut disaksikan kakitangan UNISEL tidak kira sama ada di Bestari Jaya maupun Shah Alam kerana ia disiarkan secara langsung menerusi laman web [www.media.unisel.edu.my](http://www.media.unisel.edu.my).

Prof Anuar mengingatkan seluruh warga kerja UNISEL untuk melakukan perubahan sekeranya mahu visi dan misi yang ditetapkan UNISEL dapat dicapai.

Menurutnya, kepimpinan baik dapat memastikan setiap bahagian berfungsi dengan baik.

Beliau memberi contoh mengenai kemasukan pelajar-pelajar baru pada Sabtu ini, sekiranya ia tidak dirancang dengan baik oleh beberapa bahagian pastinya akan menimbulkan masalah.

# UNISEL IPT PERTAMA TERIMA PENSIJILAN GREEN 5-S PROGRAM



Prof Anuar (dua, kanan) menunjukkan sijil Green 5-S Program diterima daripada Sirim berhad



Prof Anuar (kanan) semasa menerima sijil Green 5-S Program

Universiti Selangor (UNISEL) merupakan institut pengajian tinggi (IPT) pertama di negara ini yang menerima sijil Green 5-S Program daripada Sirim Berhad.

Objektif utama adalah untuk memastikan semua kakitangan dan pelajar UNISEL mengamalkan persekitaran tempat kerja dan belajar berkualiti mengikut piawai yang ditetapkan dalam Green 5-S Program.

Dengan pengamalan sistem ini ia akan memastikan keselamatan kakitangan dan pelajar, menjimatkan tenaga elektrik dan air, mengurangkan pembaziran, menjaga keharmonian alam sekitar dan meningkatkan kualiti perkhidmatan dan fasiliti.

Usaha mendapatkan persijilan ini bermula dengan pelantikan Jawatankuasa Pemandu Pensijilan Green 5S UNISEL, pada 23 Januari tahun lalu.

Jawatankuasa ini dianggotai oleh kakitangan daripada tiga jabatan di UNISEL iaitu Fakulti Sains dan Bioteknologi, Pejabat Kewangan serta Pejabat Pengurusan dan Sumber Manusia.

Bagi menjayakan pensijilan ini jawatankuasa serta kakitangan daripada ketiga-tiga jabatan telah menghadiri tiga kursus yang dianjurkan oleh Sirim Berhad.

Pelbagai aktiviti telah dijalankan oleh ketiga-tiga jabatan untuk memastikan kejayaan pensijilan ini.

Antara aktivitiannya ialah: Big Cleaning Day peringkat UNISEL dan peringkat Jabatan, Pertandingan Kebersihan peringkat UNISEL dan peringkat Jabatan, Pertandingan Sistem Fail dan Pertandingan Sudut 5S.

Program ini bukan saja melibatkan kakitangan ketiga-tiga jabatan malah pelajar dan pencuci juga turut dilibatkan.

Kemuncak kepada pensijilan ini ialah penilaian pengiktirafan bagi Skim Pengiktirafan 5S Hijau SIRIM oleh auditor-auditor SIRIM pada 8 dan 9 Julai 2013. Penilaian ini telah dijalankan di kedua-dua buah kampus UNISEL. Dan hasilnya ialah penganugerahan Green 5-S Program oleh SIRIM kepada UNISEL pada 15 November lalu.

"Di sini kita boleh lihat betapa pentingnya mempunyai kepimpinan di setiap peringkat dan berkerja sebagai satu unit yang padu. Sekiranya perkara ini tidak dirancang dan persediaan tidak dibuat maka pertambahan pelajar akan membawa masalah yang besar kepada kita dan juga kepada pelajar-pelajar.

"Ini akan seterusnya mencalarkan imej kita (UNISEL) sendiri," katanya. Dalam pada itu, Prof Anuar turut merakamkan penghargaan kepada para pensyarah yang menunjukkan teladan baik kepada para pelajar untuk dijadikan sumber inspirasi.

Beliau menyifatkan pensyarah memainkan

peranan penting sebagai pembakar semangat kepada pelajar-pelajar untuk belajar dengan lebih tekun serta bersikap lebih bertanggungjawab.

Prof Anuar semasa menyampaikan ucapan di perhimpunan bulanan Mei.



# ISMAIL DISAMBUNG PELANTIKAN SEBAGAI PRO CANSELOR SEHINGGA 2017

BERKUATKUASA 8 Mac, Tan Sri Ismail Adam disambung pelantikan semula sebagai Pro Canselor Universiti Selangor (UNISEL).

Beliau memegang jawatan itu sejak 2011 dan ia merupakan penyambungan buat kali kedua yang berkuatkuasa sehingga 7 Mac 2017.

Tan Sri Ismail merupakan mantan Ketua Pengarah Jabatan Perkhidmatan Awam (JPA) yang berpengalaman luas dalam pengurusan sumber manusia dan dasar-dasar kerajaan di pelbagai jabatan serta kementerian.

Watikah pelantikan diserahkan sendiri oleh Canselor, Tan Sri Raja Arshad Alhaj Raja Tun Uda Alhaj disaksikan Pro Canselor, Datuk Dr Anuar Masduki, Menteri Besar yang juga Pengurus Ahli Lembaga Pengarah, Tan Sri Abdul Khalid Ibrahim, Presiden dan Naib Canselor, Prof Dr Anuar Ahmad.

Dalam pada itu, Prof Anuar berkata, beliau mengucapkan terima kasih kepada Canselor, Pro Canselor dan Menteri Besar kerana memberi

kepercayaan kepadanya untuk terus meneraju universiti ini.

Menurutnya, UNISEL mengambil pendekatan serampang dua mata iaitu melantik, melatih, memantap dan mengembangkan keupayaan pensyarah muda dari jawatan tutor sehinggalah menjadi sarjana dan profesor yang terkemuka.

Katanya, strategi tersebut diperlukan untuk membolehkan UNISEL mencapai sasaran tahunan yang ditetapkan.



Tan Sri Ismail (dua, kanan) bersalaman dengan Tan Sri Raja Arshad (tengah) sambil disaksikan Tan Sri Abdul Khalid (kiri), Datuk Dr Anuar serta Prof Anuar (kanan)

# UNISEL JADIKAN SEKOLAH KEBANGSAAN BATU 14, TAPAH, PERAK SEBAGAI SEKOLAH ANGKAT



Antara pelajar Orang Asli di sekolah berkenaan

SEBAGAI sebuah institusi pengajian tinggi (IPT), Universiti Selangor (UNISEL) tidak melupakan tanggungjawab sosial korporat (CSR) untuk membantu golongan memerlukan dengan mengadakan program kemanusiaan di Kampung Orang Asli Batu 14, Tapah, Perak.

Program berkenaan disertai oleh tujuh pelajar di bawah Pengarah Institut Kajian

Malaysia Indonesia, Prof Dr Zaidi Hajazi selama dua hari pada 27 Februari lalu di Sekolah Kebangsaan Batu 14.

Pelbagai aktiviti yang diadakan untuk pelajar pelajar kelas 1 Gemilang sekolah berkenaan melibatkan fizikal serta kemahiran.

Sebelum menjalankan aktiviti kemanusiaan itu, tujuh pelajar berkenaan berusaha

mendapatkan sumbangan daripada kerajaan negeri yang menaja program berkenaan.

Bantuan berupa pakaian, makanan dan buku terpakai turut disumbangkan oleh pelajar universiti.

Malah terdapat bantuan daripada pihak luar antaranya pensyarah serta kakitangan Universiti Putra Malaysia (UPM).

Antara bantuan diberikan ialah kelengkapan sekolah seperti beg dan fail, alatan permainan dan juga pakaian-pakaian yang masih boleh digunakan.

UNISEL juga bersetuju menjadikan sekolah tersebut sebagai sekolah angkat dan perkembangan sekolah tersebut akan dipantau dari masa ke semasa.

# PELAJAR INDONESIA MAHU TERAPKAN SLOGAN UNISEL DALAM KEHIDUPAN

PESERTA Program Pertukaran Pelajar Universiti Selangor (UNISEL) – Universitas Narotama Indonesia berharap slogan universiti ini, 'Shaping Society' yang bermaksud membentuk masyarakat dapat diterapkan dalam kehidupan mereka sebagai pelajar sekembalinya ke Indonesia nanti.

Pelajar Fakulti Ekonomi, Universitas Narotama, Fitriana, 20, berkata sebagai pelajar mahasiswa merupakan kelompok penting dalam membentuk daya pemikiran masyarakat.

"Slogan Shaping Society bagi saya menarik dan boleh diterapkan di kalangan pelajar di Indonesia kerana golongan mahasiswa merupakan golongan penting dalam mencorakkan masa hadapan masyarakat," katanya selepas Majlis Penyerahan Pelajar Program Pertukaran Pelajar pada 19 November lalu.

Ketika ditanya mengenai program pertukaran pelajar tersebut, Fitriana menganggapnya sebagai peluang untuk dia mendalamai kehidupan masyarakat di Malaysia khususnya golongan pelajar di UNISEL.

Menurutnya, ia merupakan pengalaman amat berharga buat dia dan rakan-rakannya kelak.

"Ini satu pengalaman berharga untuk saya bawa pulang ke Indonesia nanti apatah lagi



INTRA TRI



FITRIANA



ADE CHANDRA

berpeluang belajar di Selangor yang saya ketahui sebuah negeri paling maju di negara ini," katanya.

Intan Tri, 21, berkata, dia terharu dengan sambutan dan layanan yang diberikan oleh masyarakat di sini terhadapnya.

Dia berharap semua pihak dapat membantu memberi tunjuk ajar sepanjang berada di sini menjalani program tersebut.

"Saya sangat gembira dengan sambutan di sini, mesra dan layanan baik dari semua pihak terlibat dan saya juga berharap mendapat kerjasama dan tunjuk ajar dari pensyarah dan rakan hingga tamat program ini nanti," katanya.

Menurutnya, walaupun terdapat beberapa polemik perbezaan di antara kedua-dua negara, itu tidak sesekali menghalang Universitas Narotama menjalin hubungan dengan UNISEL.

Dalam perkembangan sama, pelajar Fakulti Sains Komputer, Ade Chandra berkata, dia sangat bertuah dipilih menyertai program selama sebulan ini.

"Ini peluang untuk saya bertukar pendapat dengan pelajar di sini di samping mengenal budaya dan kehidupan masyarakat di sini," katanya.

## UNISEL MERUPAKAN UNIVERSITI PERTAMA WUJUDKAN TV INTERNET

Universiti Selangor (UNISEL) mengorak langkah ke hadapan apabila menjadi universiti pertama di negara ini yang mewujudkan Televisyen (TV) internet iaitu TV UNISEL.

Naib Canselor UNISEL, Prof Dr Anuar Ahmad, berkata inisiatif mewujudkan tv internet itu akan memberikan pendedahan dunia sebenar bidang penyiaran kepada pelajar yang mengikuti kursus komunikasi dan media.

Prof Anuar berkata, pelajar dan orang ramai akan dapat mengetahui perkhidmatan atau aktiviti yang dilakukan universiti dengan perlaksanaan itu nanti.

"Saya percaya ia akan memberi peluang dan pengalaman menarik kepada pensyarah serta pelajar yang mengikuti bidang kursus ini."

"Orang ramai juga boleh mengetahui apa yang dilakukan UNISEL, di samping usaha menyebarkan bahan ilmiah kepada pelajar dan masyarakat," katanya pada 23 November lalu.

Beliau berkata demikian selepas merasmikan TV UNISEL yang turut dihadiri Dekan Fakulti Komunikasi dan Media, Prof Dr Azmuddin Ibrahim, di Hotel De Palma.

TV UNISEL yang bersifat pendidikan itu akan menyiarkan sembilan program atau segmen antaranya berita kampus, gaya hidup, riadah, filem dan dokumentari.

Semua program berkenaan akan dikendalikan pelajar semester ketujuh program Diploma Komunikasi dan Media yang bertujuan

mempromosikan perkhidmatan, produk dan objektif UNISEL kepada orang ramai yang boleh dilayari di laman sesawang [tv.unisel.edu.my](http://tv.unisel.edu.my).



Prof Anuar (kiri) semasa merasmikan TV UNISEL

# PELAJAR UNISEL BERSIHKAN ZOO NEGARA

PROGRAM 'Eksplorasi Zoo Negara' berjaya menarik perhatian seramai 43 orang pelajar Universiti Selangor (UNISEL) untuk menjadi sukarelawan bagi membantu pihak zoo dalam pemuliharaan haiwan dan pembersihan Zoo Negara pada 25 Januari lalu.

Program anjuran Kelab Peers Guidance Club (PGC) dirasakan agak mencabar kepada para sukarelawan kerana menguji daya stamina dan kekuatan mental dalam menjalankan tanggungjawab diberikan bagi menyumbang tenaga ke arah pemuliharaan.

Antara intipati kandungan program antaranya ialah gotong



– royong, menyediakan sumber makanan kepada binatang, sesi taklimat bersama pengurus setiap seksyen serta menguruskan nurseri binatang.

Rata – rata pelajar sangat teruja dengan peluang yang mereka perolehi dalam melaksanakan tanggungjawab.

Kesedaran tentang pentingnya menjaga alam sekitar dan pemuliharaan haiwan yang diancam kepupusan meningkat secara tidak langsung melalui usaha murni seperti ini.

Pengalaman untuk menjalankan aktiviti lasak seperti ini seharusnya diteruskan lagi bagi memberi peluang kepada generasi Y membentuk sikap lebih prihatin bukan sahaja antara sesama manusia tetapi melibatkan haiwan.



# UNISEL JADIKAN MOHD HAIKAL PELAJAR ANGKAT UNIVERSITI

Universiti Selangor (UNISEL) dengan kerjasama Kumpulan Media Karangkraf (KMK) bersedia untuk menaja sepenuhnya pengajian Mohd Haikal Jefri, 16, anak lelaki pasangan suami isteri maut dalam kemalangan ngeri di Jalan Loke Yew Jumaat lalu.

Keputusan tersebut dibuat oleh UNISEL selepas mengadakan perbincangan dengan KMK yang mahu membayai sepenuhnya sebarang yuran pengajian melibatkan remaja tersebut di UNISEL.

UNISEL akan menyediakan tempat bagi Mohd Haikal untuk melanjutkan pelajaran selepas tamat menduduki Sijil Pelajaran Malaysia (SPM).

Bagaimanapun, ia tertakluk kepada keputusan peperiksaan Mohd Haikal sama ada layak untuk meneruskan pengajian di UNISEL.

Difahamkan, Mohd Haikal kini sedang menuntut di Tingkatan Empat, Sekolah Menengah Kebangsaan Cheras, Kuala Lumpur.

"UNISEL menawarkan Mohd Haikal segala kursus yang ditawarkan dan segala kos melibatkan pembelajarannya akan diberi biasiswa sepenuhnya oleh kami (UNISEL) serta KMK."

"UNISEL berhasrat menjadikan Mohd Haikal

sebagai anak angkat pertama universiti ini," Naib Canselor UNISEL, Prof Dr Anuar Ahmad.

Usaha menjadikan Mohd Haikal sebagai anak angkat universiti ini merupakan kali pertama dilaksanakan.

Ia adalah sebahagian daripada program tanggungjawab sosial korporat (CSR) UNISEL dalam membantu insan memerlukan.

UNISEL bersama KMK berharap dengan adanya inisiatif dasar keprihatinan seperti ini ia sekurang-kurangnya dapat membantu anak yatim piatu itu.

Idea untuk membantu Mohd Haikal lahir selepas pihak universiti mengetahui mengenai berita menyedihkan itu melalui media.

Memahami nasib malang yang menimpa Mohd Haikal yang merupakan anak sulung daripada lima beradik itu, UNISEL mengadakan perbincangan bersama KMK.

Berita kehilangan kedua ibu bapa Mohd



Haikal mendapat perhatian simpati seluruh rakyat negara.

Sebagai anak sulung, Mohd Haikal memikul tanggungjawab besar untuk memastikan kesemua adik-adiknya membesar dengan sempurna.

Pasangan suami isteri, Jefri Mohd Zain 46, dan Noorsalawati Ibrahim 40, maut selepas terlibat dalam kemalangan ngeri digilis lori.

Kedua-dua mangsa dipercayai dalam perjalanan ke tempat kerja meninggal di lokasi kejadian.

## KEMASUKAN MEI 2014 MENDAPAT SAMBUTAN LUAR BIASA



Universiti Selangor (UNISEL) yang ditubuhkan pada Ogos 1999 merupakan satu-satunya universiti di negara ini yang dimiliki oleh kerajaan negeri kini kian hampir berusia 15 tahun penubuhannya. Daripada 199 pelajar pertama yang berdaftar pada 9 September 1999 kini UNISEL mempunyai lebih 11,000 pelajar dengan lebih 83 kursus dan beroperasi di dua kampus, iaitu di Kampus di Bestari Jaya, Kuala Selangor dan Kampus Shah Alam.

Sehingga kini, dianggarkan lebih daripada 13,000 permohonan diterima dan sedang diproses.

Kesemua mereka akan mendaftar secara serentak di dua kampus mengikut program pengajian yang ditawarkan.

Pendaftaran pelajar baru pada 24 Mei lalu bermula seawal jam 9.00 pagi sehingga jam 4.00 petang.

Staf UNISEL dan fasilitator bertugas sentiasa bersedia untuk menyambut serta mengalau-alukan kedatangan pelajar dan ibubapa yang datang semasa hari pendaftaran.

Senyuman bangga terukir di bibir seluruh tenaga kerja UNISEL tatkala melihatkan unjuran peningkatan permohonan pendaftaran pelajar UNISEL yang semakin meningkat saban tahun.

Peningkatan sebegini sebenarnya mencerminkan kualiti bidang pengajian yang ditawarkan di UNISEL sememangnya diiktiraf, di samping fasiliti kampus yang lengkap dengan kemudahan serta tenaga pengajar yang professional menjadi keutamaan pihak UNISEL.

Peluang menyambung pelajaran di UNISEL cukup berharga dan bermakna dengan kos pengajian yang ditawarkan sememangnya berpatutan sementara urusan biasiswa pula turut disediakan kepada pelajar yang berkelayakan.

Selain itu, UNISEL juga turut menyediakan pelbagai kemudahan lain kepada pelajar antaranya proses membuat pinjaman, tempat makan, perkhidmatan pengangkutan, hiburan serta pelbagai kemudahan lain di samping pelajar luar negara turut diberikan bantuan permohonan mendapatkan visa.

Adalah menjadi sasaran UNISEL untuk melahirkan lebih ramai graduan yang mempunyai kecekapan dalam pelbagai kemahiran khususnya dalam bidang industri.

Sasaran ini dizahirkan menerusi penawaran bidang kursus yang cukup praktikal.

Di samping itu, pelajar juga turut diberi pendekahan luar antaranya dalam lapangan industri, latihan praktikal, lawatan ke industri, kajian kes serta pelbagai seminar luar yang dikendalikan oleh penceramah yang berpengalaman.

Selain itu juga, bagi memberikan pendekahan berguna kepada pelajar di peringkat global, UNISEL mengadakan kerjasama dengan beberapa buah universiti terkemuka luar negara yang dimeterai menerusi perjanjian memorandum persefahaman (MoU) antaranya dengan Institut Teknologi Shibaura, Jepun dan Petra Universiti, Amman, Jordan. Penghasilan bahan kajian bersama, pertukaran pensyarah serta pertukaran pelajar dapat direncanakan melalui kerjasama dua hala ini.

# PENGAMBILAN 2014



**Mohon di [www.unisel.edu.my](http://www.unisel.edu.my)**

## **Program Tahun Asas**

(Program Persediaan ke peringkat Ijazah Sarjana Muda)

- Teknologi Maklumat
- Sains
- Pengurusan
- TESL

**Ambilan : Januari | Mei | September**

## **Program Diploma dan Sarjana Muda**

- Kejuruteraan
- Sains Komputer
- Teknologi Maklumat
- Perniagaan
- Perakaunan
- Seni Lukis & Seni Reka
- Media
- Sains Gunaan
- Sains Kesihatan
- Pendidikan
- Sains Sosial

**Ambilan : Januari | Mac | Mei  
Ogos | Oktober**

## **Program Pasca Siswazah**

- Pendidikan
- Sains Sosial
- Perniagaan
- Teknologi Maklumat
- Sains

**Ambilan : Januari | Ogos**

Untuk maklumat lanjut, hubungi :

Pejabat Pemasaran dan Kemasukan  
Universiti Selangor  
Jalan Zirkon A 7/A, Seksyen 7 , 40000 Shah Alam, Selangor

Tel : 03-5522 3400/3535/3435/3436  
Faks : 03-5522 3563 / 03-5510 9277  
E-mail : [admission@unisel.edu.my](mailto:admission@unisel.edu.my)

**unisel**  
UNIVERSITI SELANGOR  
**shaping society**